

彊邨集外詞

彊邨集外詞目錄

買陂塘

念奴嬌

八聲甘州

燭影搖紅

蝶戀花

還京樂

二調

高山流水

鷓鴣天

虞美人

水調歌頭

點絳脣

浣溪沙

三調

念奴嬌

金縷曲

水調歌頭

百字令

蝶戀花

惜秋華

東風第一枝

卜算子

疏影

月中行

沁園春

帝臺春

醉蓬萊

風入松

燭影搖紅

玉樓春

虞美人

滿江紅

二調

好事近

柳梢青

減字木蘭花

好事近

減字木蘭花

鵲橋仙

思佳客

水龍吟

蝶戀花

西子妝

謁金門

滿庭芳

金縷曲

六調

滿江紅

壽樓春

減字木蘭花

二調

鷓鴣天

定風波

壽樓春

清平樂

滿江紅

眉嫵

踏莎行

清平樂

百字令

瓊華

側犯

減字木蘭花

百字令

二調

齊天樂

減字木蘭花

好事近

祝英臺近

柳梢青

減字木蘭花

浣溪沙

水調歌頭

壽樓春

沁園春

清平樂

減字木蘭花

朝中措

減字木蘭花

三調

踏莎行

減字木蘭花

清平樂

沁園春

清平樂

定風波

壽樓春

疏影

百字令

摸魚子

減字木蘭花

采桑子

四調

黑漆弩

南鄉子

采桑子

永遇樂

戀繡衾

壽樓春

齊天樂

減字木蘭花

木調歌頭

二調

減字木蘭花

二調

采桑子

減字木蘭花

暗香疏影

熙州慢

清平樂

燭影搖紅

彊邨集外詞

歸安朱孝臧古微

買陂塘題夏悔生同年山塘秋泛圖

夕陽邊幾千年事驚鴉和葉零亂畫船自蕩
無情水不管傷秋人換□□□誰記得碧城
天樣闌干遠蓬萊更淺賸語石花涼埋香蘚
壤澆酒問吳苑尊前意疏了燕臺笑伴故
人吟幘慵岸風情薄到如雲葉多事雙鬢還
勸君不見纔一角微波斷送江南晚玉簫休
按便虎氣騰□澹煙衰草一味助淒怨

夏孫桐云

古微四十始爲詞此
乃最初之第一首

念奴嬌

辛亥初春貽書恪士映盦子言

公達方舟載酒探梅鄧尉叔問
有約不至旣登還元閣觀覺阿
上人象冊叔問用白石韻念奴
嬌詞在焉松禪相國會屬和一
章冊中又多故人墨蹟感喟橫

集與映盦聯句再次其韻

半匳殘雪有閒鷗解迓討春幽侶

古微

寒勒

野梅開未徧醉纈香屏無數

映盦

曲岸連橈

短亭呼酒多事閒風雨

古微

鶴天煙暝曉窗

來看題句

映食

朝暮黃閣前塵青芝舊諾

夢與荒波去

古微

淒咽虎山橋畔笛還爲吹

香別浦

映食

瓊蘂重攀翠禽如喚投老雙嶼

住

古微

輕陰無際墜紅休點帆路

映食

八聲甘州甲寅閏端陽

要今年沈醉到湘纍更番酌觴蒲甚騷心滿
紙蘭衰蕙變章句荒蕪照眼丹榴依舊霜鬢
與花疏陳似三年艾人意何如湘水無情
誰弔又淒涼節物流恨江魚笑南風不競奪

得錦標無問辟兵赤靈誰畫牘小窗兒女鬧
釵符□□□□□□□□□□□□□□□□

○燭影搖紅止翁招集乙盦齋中率賦

飄斷春鐙酒卮不抵殘寒釀借人籬落酹橫
枝消與流年感客意飛花共減費天涯清鉛
數點畫堂雙燕飛傍誰家雕梁新占獨臥
滄江舊盟尋到鷗羣淡莫憑回雁訴鄉心滿
地驚波撼生茶春盤未饜雨京梅凝塵半糝
歲寒情味肯被鄰家東風輕賺

○蝶戀花

飄酒繁英如雪片搖盪游絲那繫流光轉未
必清歌彈指散急觴催拍誰能限 沅地花
塵生對面步障重重未省春深淺煙語隔窗
人不見解紅新曲空排徧

○還京樂和龐檠子

斷魂事說與殘牋倦墨能惆悵念鬢羞塵鏡
泪灰蠟炬吹簫誰唱記影娥池上長條帶月
和煙盪倩素手扶醉喚取柔波雙槳 仁高
樓望賸狂花歧路飛鶯未惜聲聲芳草又長
東風換綠林亭暗梨雲賺夢來往費銷凝是

急雨絃聲明霞佩響怨色西闌月窺人昨夜
薇帳

○前調題況夔笙餐櫻詞

倦懷抱閱盡斜陽稍覓微波語任墜香迷燕
亂紅踏馬緘情無據問絳都花事傷春泪潑
閒風雨併萬感吟夜醉曉蠻芳成譜舊銷
魂處傍珍叢干繞而今漲筆狂塵絃外調苦
沈吟又拍闌干鬢雲愁海思如許坐滄洲還
賺得天涯文章羈旅半篋秋蕭瑟蘭成身世
重賦

○高山流水宋徽宗松風琴

故宮法曲冷朱絃倚龍吟風雨潸然開宴記
芳時南薰韻入流泉河清慢徵角重翻宸游
處仙籟層霄徧徹仗合蒼官和春雷別殿篤
繹御香前無端青城幾千里黃鵠譜應指
秋寒零亂杏花詞夢落萬水千山問霓裳幾
度飄煙知音少根觸孤臣老泪怨撥哀彈恨
宮聲不返淒絕隴禽言

○鷓鴣天立秋夕同瞿庵過君直家飲海

淀蓮花白元遺山有飲倪文仲

家蓮花白醉中之作率同其調
嗚咽丹棱水不波拍浮來赴小紅螺臨風坐
接秋香近擎露涼分太乙多從汗漫日亡
何霸陵醉尉不須訶白頭野史亭前客消得
平生老茗柯

○虞美人

八月十四夕同吳瞿庵賦

常娥不悔偷靈藥碧海孤秋約寶匳猶未是
圓時誰喚風前亂笛起參差纖雲卷盡金
波冷破碎山河影言愁眞欲問青天可許今
年明月復明年

水調歌頭壽沈子培七十

風力與吹垢。海日總明樓。危闌籠袖，無邊景物，座中收變滅。白衣蒼狗，寂寞寒山虛牖。心定與天游。吟望依南斗。吾道詎滄洲。白符芝碧筍，酒若爲酬。雙聲笛奏，翩然一鶴，此銜籌早是夔龍。耆舊況復劉樊。嘉耦仙籍本雙修。佳語持相壽。義馭仁回輓。

點絳脣

鐙黯春陰。瘞花銘罷空瑤想。佩環無恙。夢結歸風響。十載江春與憶。桃根槩仙雲往。費

人惆悵多事千絲網

○浣溪沙西溪泛舟同病山仁先貞壯映

盦惜仲伯完

又是尋秋一度來十年城郭半蒿萊眼明屈
曲鏡流開出骨微嫌山偃蹇折腰猶舞柳
毵毵荻花拋雪點行杯

溪水何緣也姓西淡妝濃抹更相宜幾堆紅
樹壓蘆碕大好年光須酒送小頽風範與
鷗期西湖雖好不須題

作隊鳬翁導槳行招提取次出花塍一龕香

火草堂靈 太息聲家無記前因依佛界卽
傳鐙我來分作打包僧

○念奴嬌題蔣孟蘋寫書圖

淵源蜀學問靈衿誰託鶴山一叟巨集觥觥

天水刻藝苑珍逾瓊玖

鶴山集士禮居藏本
又有鶴山渠陽

詩集亦

三匱云亡一甌許借善木斲無負元

亭油素古香擣染衫袖

前事十七遺篇紛

綸要義三寫流傳久說似芳茱排日課幾輩

薑芽斂手金薤端書瑤華副墨操券名山壽

卮言日出墜傳期與宗守

金縷曲

慣醉長生酒是前身安期飛鳥浮北挹衷鼎
鼎百年皆寂寞肯負持螯雙手問蛤蠃二豪
知否不喻茗柯微妙理便三杯兩琖終多又
持此意爲君壽羨君無事如犀首儘隨宜
千場盤礴月天花候此樂未須兒輩覺此事
今人稀有恁日涉園林如繡四海子由真健
者定白鬚紅頰長厮守還起舞對花侑

水調歌頭

壬戌七月十六日甘翰臣招

同王息存王病山況夔笙潘

餅庵勞敬修及令弟璧生子

季閏生非園秋禊賦此紀事

今歲不閏夏昨夕已中秋但期風月佳耳何
地不清游儘有嬋娟花竹難得肝腸冰雪爾
汝狎盟鷗胸次幾北壑老子已菟裘我知
君君傲我醉鄉侯掀髯一笑縱非吾土且登
樓有弟相非食肉璧生以奉佛持齋有婦相呼謀酒
客至亦浮休揚鱣論齊物何必問黃州

○百字令題余堯衢倦知山廬圖

角巾投老依然是搏控人生骨肉造化小兒

空簸弄隨分得尋歸宿老屋三椽良田二頃
高臥清湘曲荒灣織屨老仙來伴幽獨誰
道倦羽安巢驚塵連海哀郢歌相續多難萬
方同一概目斷鄉園松菊故國青山滄洲白
髮歸夢愁成斛何年畏壘大穰珍重遺祝

○蝶戀花

帶雨孤花支薄暮天際朱闌隔著濛濛霧刻
骨相思儂與汝東風計較閒言語得意紅
襟穿繡戶但解呢喃不省誰爲主影事零星
從細訴千頭萬緒君休誤

△帝臺春壽詞

岡上竹實祥雲絢南國瀛海秋澄聞道今年
蟠桃初實好是金英浥露處勸覓醉酈鄉泉
潔話春暉子舍心情雲帆催發堂錦綉萱
翠茁駐鳳翼粲鮫額正紫禁仙郎綵衣歸也
親祝春慈南極料得瑤臺譜家慶香入金觴
煥仙液拜壽母年年認幔紗霞艷

△醉蓬萊壽詞

望南雲似蓋簇翠萱叢亭亭堂北家慶屏開
暎瓊枝瑤席東海桑柔南陽菊濫萬景澄秋

夕寸草心情辦香親拜明星南極
粉署仙郎綵帆歸去桑浦山前
版輿登歷樂府新聲
下青鸞仙翼縹桂香濃仙厨麟脯有麻姑親
擘一曲陔蘭傳觴遙羨陶家賓客

△風入松壽詞

祥雲如蓋簇南州雙鶴更添籌遙知家慶屏
開處有新聲樂府相酬激豔酈潭菊秀葳蕤
東海桑柔仙翁衿佩水雲秋吟緒渺滄洲
數椒梅蘂巡檐笑盎洞天春入瓊甌來歲鵲
峰勝處綵衣繞膝香浮

△燭影搖紅壽詞集夢窗句

玉樹懸秋蜜沈燼煥餘香裊銀臺雙引繞花
行宿讌連清曉數點官梅信早占年光瓊簫
縹緲春風無定過卻重陽蟠桃正飽野闊
天寬賦情合載鷗夷棹身閒猶耿寸心丹闥
苑芝仙貌同撫雲根一笑綵毫飛朱絃古調
雙鸞共跨已暎天香紅萸烏帽

△玉樓春壽詞

南雲似蓋籠澄曉簇翠萱叢春暗裊酈潭斟
過菊花期庾嶺香迎梅蘂好佳兒整頓詩

篇了瀛海歸艍秋滿抱□□□□□□□□

□□□□□□□

△虞美人題費曉樓秋鐙憶夢圖和漁川
井梧一夜驚秋早月底南鴻少金猊香篆不
禁風遮得天涯路斷畫屏中 吧羅費盡年
時泪歡怨渾忘記秋更二十五聲長誰伴不
眠人背合歡牀

△滿江紅爲病山夢湘題匡廬笠屐圖

放杖翩然問誰是高霞真逸有塵外浮北袖
把洪厓肩拍隔郡箋筒分日遞連峰屏障排

雲山信肝腸如雪兩詩翁機同息
潯陽郭香鑪色記曾挂西風席
老生涯祇欠蒼煙雙屐出世扁舟誰淨侶入山他日猶生客
臘歲寒風雪夢匡君空頭白

△前調賦吳伯宛甘遜邨居時君將之官

北行

門對青山稱舊隱東皋亭館臨玩有緋桃
蹴浪緗梅連岸小築最宜鴻案隱十年未結鷗
波券問何時著論效潛夫先生嬾胸磊塊
愁前盥銷磨與書千卷笑修椽空寄年年海

燕長策無如河朔飲短歌休和南山矸好趨
班青瑣莫從容滄江晚

△好事近

題前溪散牧圖 漁川先德擬曹

珂雪

扣角發高歌誰把道書同讀不作羨魚癡計
對溪光如玉 江湖猶是未歸人亡羊笑臧
穀早晚上疆山下買春蓑黃犢

○柳梢青題韻香道女畫蘭擬厲樊榭

小熨芳牋煙根露藥倩影親傳粉本雙身黃
絕一夢薄負嬋娟 年年聽雨空山消不得

天花妙鬢休問東風色香多少葉葉情禪

△減字木蘭花送黃小魯

無情湘水搖落芳離秋色裏冷月迴橈自倚
清琴譜大招平生風義江漢愁心成屑涕
雪鬢霜髯胸次先收一華山

○好事近和梅緣韻

飄簾燭花涼闌外水萍風急簫罷忽催歸去
有萬千憐惜銘心百遍許雲英料理寸腸
直別有當筵廋語是紅鵝不食

△減字木蘭花題辛仿蘇青衫捧研圖集

廬陵句

黃金臺古百不憐人游獵賦醉帽敲斜忍看
靈均九畹花玉簫風起小展簾紋融似水
咄汝青衫夜冷春蔥下幾籤

鵲橋仙次珊席上戲示白琴

五陵舊夢五湖新約併作天涯流浪尊前點
檢去年人半經卷藥鑪供養先生有道隱
囊紗帽一笑都無我相翠眉新作捧心顰漫
描得遠山相向

○思佳客代贈

蟬翼單綃不道輕粉清朱薄轉盈盈喚來羞
障垂鸞扇別去佯拋小雁箏雲護惜月將
迎眾中最得可憐名花花相對相當慣未要
尊前意不平

○水龍吟展重陽虎阜李公祠小集呈子
昇

畫簾官舫清秋五湖對酒平如掌簪萸節過
觴梅信遠溪山無恙金虎荒煙紫鴻新鴛連
情散賞問荒池劍氣消沈何處一泓底笙竽
響誰酌祠堂丞相費勾留中興懷想東風

戰鼓怱怱換與西塘菱唱一局滄桑九能詞
賦幾回怱悵願明年更健重摩翠壁倒黃花
釀

○蝶戀花

役眼紅芳容易歇風雨沈沈送了清明節添
盡羅衣寒更怯旋灰香印無人爇短睡卻
偎山枕熱夢裏愁心不放雙眉纈漏水半乾
街鼓絕夜鵲啼上梨花月

△西子妝題張白琴儂汀宴月圖用君特

韻

驅馬燭斜背漚笛起半冒空波花霧被霜黃
柳著愁多綰離情臥橋沙境聞雞慢舞儘商
略閒雲去住夢封侯是錦韉茸帽玉簫親許
英遊誤歲晚嘗騰射虎荒山去幾回醺酒
拭吳鉤夜沈沈照殘鄉樹蕭關健句換江表
登樓一賦黯襟痕不負當筵汨雨

△謁金門題張□□□圖

留不住簇蝶仙裙微步滴斷巫峰天外路畫
簾連夜雨汨點黃花新譜寫作嬋嫣憶語
待喚仙山雙翠羽深情憑寄與

○滿庭芳賦劉聚卿所藏大小忽雷

蜀國冰絃胡沙塵柱雙檀離合干場春風幾
曲樂府小滄桑內宴傾杯趁拍親曾傍紅袖
昭陽傷心是玉宸零落一例委霓裳東塘
曾識曲六么按出孤咽清商又比翼鷗雞飛
下彤堂安得雙聲絳樹琉璃甲對撥龍香人
間世驚雷破柱重與話興亡

△金縷曲壽惲詹翁六十

一澹從天放儘區中粃糠塵垢了無我相身
是鳳皇池上客彩筆曾干氣象但贏得白頭

吟望世變輪雲千萬態算故山猿鶴猶無恙
資格稱五湖長森森風骨長松樣羨今朝
紫芝食罷蕨蕤自養誰奏鶴南飛一曲神與
臞仙俱王似行入玉山朗朗此老胸中無塊
磊笑談閒況有高歌盪渾不用甕頭釀

前調芸巢病起賦此柬之

未是師种放更休休松風滿聽山中宰相興
到試拈如神筆悟入渡河香象正不免高北
悵望小示維摩居士疾要眾生與我俱無恙
閒問訊藥苗長休嫌枯木形骸樣總不消

嵇生高論道機能養說到補天填海事澤雉
依然神王問何日三光重朗半醉每依南斗
看酒波中那得西風盪愁盡掃抵干釀

前調題中吳五老行看子

自解嫌疏放儘安排黃齏注籍酸寒骨相此
子最宜北壑置不稱浚煙畫象有散髻斜簪
相望同拜散人新封號要江湖終古長無恙
滄洲趣日應長頭巾嬾學周家樣伴諸公
吟尊料理鑪煙供養手把離騷須痛飲耳熱
酒酣神王更難得風雲開朗任爾安期靈氣

盡武陵源何物能搖盪行荷鋪坐傾釀

前調王和

赤手龍蛇放痛陸沈神州現出天魔變相勸
汝長星一杯酒起眎青冥何象有貫索欃槍
彌望多少新亭閒涕淚問河山風景誰無恙
愁似草剗還長壺盧到處翻新樣漫平章
伯夷盜跖才人厮養誰要卿來相料理各約
三章而王盼不到天清日朗大好家居誰撞
壤是金銀氣與天潢盪消日計仗醇釀

前調四和病中校夢窗詞

一箭漳蘭放透筠簾幽芬占斷酴醾寶相欲
寫情芳無閒筆空谷久消心象展湘簾波紋
盈望聽雨獨眠忘憂館正藥煙風定人微恙
壺漏水幾消長閒愁依舊年時樣任輸他
道書開闔井華供養歸本欣然留亦好何必
丹砂氣王賡兩眼觀書雪朗一卷霜腴叢殘
譜付人閒秋士腸迴盪重按拍試呼釀

△前調壽曹遂齋

一疏扁舟放便安排膏肓泉石緇塵卿相元
是玉堂揮翰手三策居然賈讓正雕續宣房

景象巨浪掀天風怒吼把布帆收定渾無恙
歸去領水雲長庭階和氣春醪樣更誰如
棣華交韡芝蘭競爽不問傳家靈素訣駐得
朱顏長王定忘卻趨班仙仗牽率門生兒子
輩有籃輿不用青藤杖南飛鶴爲君唱

滿江紅

積古齋空誰與問吉金祥器粲然對判懸半
堵土花凝素三壽奚斯工作頌一篇螭扁新
詮字伴歸裝虹月米家船滄江淚高文擅
鄉媛祕前塵渺金鑾記問沈淪九鼎人間何

世小築都含山澤趣新詩定有雲雷氣只夜深長樂夢回時潸然涕

△壽樓春題陳仁先南湖壽母圖

雲英英溪堂正蘭馨夕膳梅點春觴幾度招邀山意吸噓湖光佳處占鷗鳬鄉看婺星連宵熒煌沉魚膾雙供鹿車共挽膝下有仙郎年年祝慈暉長看雙堤續幅淡抹濃妝最好矧波滌研臨池題香還整頓篇章趁柳陰籃輿扶將看家慶屏開瑤池綺窗春未央

8 減字木蘭花題李雲谷先生殘研拓本

英英光氣磊落半規三十字舊學江門一樣
深衣阜帽人韓陵誰語填海補天無用處
一片蒼雲中有靈均舊泪痕

○前調爲潘弱海題畫松

蒼虬根幹不管人間風日換龍性誰馴貌此
欽寄歷落人含豪猶怒那便蜿蜒霄漢去
規作新圖待訪家山第四株
畫天目松第四株今
藏蘄水陳仁先所

△鷓鴣天壽吳子修

隱几高樓送夕陽天教晚節伴寒香綵衣扶

杖呼文度椎髻親春有孟光 秋漱澹日舒

長三年海上香紅桑西湖歸棹尋鷗約好爲

梅花進一觴首四句一作菊酒筵開畫錦堂
環英天與伴寒香鯉庭詩禮趨

文度鴻案叙
裙式孟光

△定風波壽陳小石

花近樓頭書眼明水雲矜佩本來清一院雙
成詩伴侶天許謫仙人是老人星 往事北
門嚴篴鑰忘卻好從南極駐筭篴更進菖蒲
觴面酒爲壽與君沈醉夢觚棱

△壽樓春題葛毓山詞集

鴛鴦湖詞鄉有金風俊拍黑蝶新腔幾輩同
音笙磬振鐫詞場紉楚佩蘭情芳嗣雅音曾
推丹陽想浣筆閩濤呼箋敝月料理酒邊狂
燕臺夢飛花忙擁青綾覓句憔悴星郎同
是承平年少大羅霓裳桑海換人琴亡憶舊
遊驚秋滄江對匝底蟬塵江關鬢霜愁庾郎
△清平樂趙芝山屬題其夫人遺照

步虛環佩畫裏屏山地落葉哀絃秋字字證
取彩鸞身世竟牀涼簟潏潏麻源夢斷空
壇不看十洲兵火戴花人較平安

○滿江紅題杭州岳忠武廟精忠柏用忠

武韻

大木無陰渾不似眾芳彫歇相望處靈旗風
雨于今爲烈終古心堅如鐵石何人手植無
年月向南枝應有舊啼鵲傷情切奸檣鑄
沈冤雪幽蘭瘞仇讐滅問喬柯幾見金甌圓
缺朱鳥定飄枋得泪碧苔疑漬萋宏血更空
山玉骨冷冬青悲陵闕

朱鳥二句一作樹色
點疑哀著淚苔斑誤

認宏
藏血

△眉嫵題河東君妝鏡

認文回蟠鳳影落驚鴻秋水半規曉篆取相
憐意菱花瘦娉婷妝伴巾帽秀眉倦掃映礪
東紅豆枝小懺情是一片滄桑影帶風絮愁
嫋誰料玉臺人老賸故山蘼冷銅暈孤照
稠髮拋殘後諸天泪春來腸斷花貌絳雲恨
繞費麝奩紅翠多少記親見圓姿和月滿媚
頰笑

踏莎行

題徐積餘小檀欒室勘詞圖

錦字香名琴絃妙解鬢花十二鏘瓊佩風來
應有鳳笙和月明定下蛾眉拜
蒼雪清陰

白雲仙籟玉臺家法千春在江南誰解唱流
波共君綺語消吟債

清平樂集玉田句賦蕪園歸思圖

舊家池沼鏡裏芙蓉老滿院飛花休要掃過
了一番殘照人生苦戀天涯此時那處堪
歸不道江空歲晚白鷗尙識天隨

百字令壽詞

良醫良相記邦賢名論千秋相屬仁術一身
都是德看取門庭雍睦紅杏家林白華陬萼
趨步鏘泉玉恩言三接上池曾效芹曝嘉

耦七十平頭桂芳相引繞膝臺萊祝才調鄴
唐推玉季爲譜鶴南飛曲百兩方將萬千歡
悅錦製花團簇遐算籌添屋雙扶鳩杖小園
春在新綠

瓊華水仙

湘煙汎瑟一笑迎風是玉人歸日緘情未訴
荒翠冷舊恨瑤宮消得襪羅新步肯輕放淺
波塵入看等閒京洛相逢不墜素瓊標格
年年鵝筦吹春只冰折瑤簪應未吹溼沙清
月冷心事在簪弟梅兄能識一杯誰屬望渺

渺江天無極□□□□□□□□□□

○側犯送林鐵尊之毘陵卽題其詞卷

壯游易倦廿年客味消吟卷誰遣是轉燭穠
華酒邊換江湖夢覺後始信文章賤流轉甚
翠墨紅牙尙堪伴蘋洲舊月笛韻和天遠
料理到顧塘秋歸鶴未嫌晚倦拍霓裳急觴
慵勸一曲樵歌待君排徧

減字木蘭花題老燕戀雛圖

幾雙玉翦掠地風捎珠藥亂暈入生綃珍重

金篴付左嬌 青春綵服一
雲霜摧護草綠
衣線侵尋省識寒泉一片心

○百字令沈石田三檜圖卷郭季仁藏

蟠根闕里悵古塵脈斷三千年物喬木蒼煙
新畫本翠滿嶽寄巖壁鶴去雲孤虬飛月冷
揮灑吳縉雪東陽大筆是何意態雄傑爲
問並世錢尤沈吟繞樹孰敢爲先發想見解
衣盤礴羸柯榦之而變滅今昔風流丹青文
采何遽爭毫髮熟參畫理信君雙眼如月

○前調題郭起庭盆柏圖

柏因社冷鬱虬枝猶結蒼厓苔夢厚地高天
無著處來作閒堂清供大谷霜姿平泉珠寶
偉質宜梁棟杜陵一喟古來才大難用珍
重此叟支離託根咫尺一樣巢鸞鳳柯葉四
時長不改未要東皇矜寵五粒松蟠雙甄梅
格歲晚寒交其滿堂動色河陽有筆天縱
齊天樂

8

劉體乾奉所藏蜀石經殘拓上

呈 乙覽蒙 御題孟蜀石經

四篆文以示孝敬書其後

西川殘霸鵲啼歇江山未銷文藻正始青珉

開成翠墨瓊蠟流馨多少遺經獨抱對厨几
虹輝榻檠鴻寶善本摩挲大峨一片絳雲繞
天章休氣倬漢是鸞迴鳳舞飛下蓬島秘
笈鐫華奇觚悟訣家法珠林能紹微臣頌禱
念游藝冲齡中興禎兆十碣摹刊右文看再
造

減字木蘭花題顏使君牡丹扇

半規清影中有天香相比並遺愛湖湘留得
仁風好奉揚 讀書有種嶽嶽文孫能洛誦
一笏棠甘莫作人間富貴看

8 好事近 題族叔半亭寒泉閣印譜

游刃入斯冰筆與蛟螭蟠曲把臂二金蜨館
有臣家凝叔廿年鬱鬱勒銘才雕龍手長
縮此事尙關兵象抵魯戈追逐兵象輕將漢
印論樊榭詩
也用雲門
張紳語

○祝英臺近 有贈

髻新興妝間掃微步戛環佩走上紅裯傾座
盡迴睎香檀拍過驚鴻春鶯休轉要聆取迦
陵仙籟更多態步虛兩袖天風解脫總無
礙是李和南還是李波妹有時卸卻歌衫安

花對鏡揀一朵小南強戴

一作丹成好向三山此心安處便長

伴眉娘
檀蓋

柳梢青

闌夜鐙青玉簫乍冷錦瑟無聲墜月孤樓行
雲半峽誰喚愁醒 纏脰未卜他生慙叩取
西廂玉扇爲報青鸞影梅庵底憶語分明

○減字木蘭花

題劉蘅莊藏唐人寫涅槃

經卷

等閒文字直證人天堪涕泪千偈瀾翻大笑
吹鐙受涅槃 殺機天發猿鶴沙蟲同一劫

香發旃檀想見金剛湧筆端

浣溪沙題雷峰塔經卷

龍象銷沈幾杵鐘諸天無路問青峰莊嚴輸
與畫圖工天水荒涼依舊碧劫灰生滅可
憐紅散花香處萬緣空

水調歌頭

香夢墮槐國林語咽新蟬凜蘭時節無恙催
徹小游仙不分巫雲一段幾誤黎渦雙靨遺
恨滿瑤天續命費紅縷□□與纏脰畫屏
角風雨惡惜芳妍低鬟辟兵符裊釵約誤經

年僥倖小憐玉體辛苦漢宮珊步猶自鬪嬋娟寄語玳梁燕珍重舊堂前

壽樓春社集賦查樓菊部

嘶香驄銅街有箏琶夜月簫鼓春雷說似清時歌舞舊家樓臺桑海後仍崔嵬恰近依方壺蓬萊只市地花鈿齊雲榜篆零亂劫餘灰觚棱夢愁天涯早霓裳曲怨湘瑟絃哀底事燕蘭芳約渺兮予懷今昔感成低徊唱渭城何處重來問淒斷雲韶青霜鬢催知幾回沁園春八徵圖題詞

德象女師有煒管彤思貽令名緬蘧續姜嫄
稚圖孟母甄慈聲悅益譽丹青四德倍之羣
倫仰止爲烈于今有典型瑤源遠溯雙江毓
秀蕙潔蘭馨金閨弁冕賢英衍孝友宗風
雅詠徵譎經以行權積而能散音流太似傳
續更生兩佩紉芳六珈式度例以鬚眉亦老
更鍾餘慶也抗顏廚及雛鳳聲清蘧師貞姜嫄圖見太

清樓畫目謝稚孟母圖見貞觀畫史

清平樂題趙叔雍高梧軒圖

龍門百尺罨畫明秋色南北兩峰相映碧看

取朝陽鳳立 開軒滿目煙霞軟紅不到雲
涯著箇仙源居士湖山越恁清嘉

○減字木蘭花題黃九煙爲李元白藏周

江左書離騷經跋

沈湘古恨文字造哀天倘問懸圃陳詞异代
蕭條又一時 騷心不死灘艇行吟聲變徵
招手彭咸依樣傷心史一函

李東坡字元白周嘉胄字江左

朝中措

鉏犁身手拙於鳩老去有菟裘留得子春家
法不知冠帶崑北 東林下撰廿年舊夢莫

莫休休拋盡山田十稜無緣部曲黃牛

○減字木蘭花賦蘇文忠鐵如意

雷霄斑駁八百年來談柄握散髮枕榔攜向
南天舞一場指揮無定箕口難回磨蠍命
猶勝西臺朱鳥聲中擊節來

前調題刁遵墓志

蟬嫣華裔秉節諸州流詠美長挾清芬妙絕
潛研跋尾文黝然甕蠟難得碣陰雙壁合
辟咄詒碑愴念東華撰杖時

前調題陳藍洲組游詩刻

雲關投老把臂入林成一笑笠屐逢迎贏得
青山養伯齡 流傳煙楮詩筆如神心畫古
遼鶴歸來賸與殘僧話劫灰

踏莎行

花勝年光飢益情話崢嶸冰雪柴門夜欖檣
天末陣雲多先生豈是閒吟者 短褐風流
長城聲價松壺詩老應同社銜杯舞劒歲朝
圖爭慳一幅煙綃寫

減字木蘭花題某君壽藏

□□□□□□□□□□笑揖青山身是

龍荒劫外仙
感深岷岵料理首北萊子舞
風引迴舟那便修文白玉樓

清平樂鍾堦

人間何世魑魅听然喜三字頭銜唐進士消
得閭浮遊戲紛紛艾子蕭郎招邀袍笏登
場笑問三閭角黍何如一醉蒲觴

沁園春壽郭翁

開遍梅花畫錦屏風春風畫堂說德鄉銅盞
家聲金穴劉樊眷屬蓬閭班行東海柔柔南
陽菊豔雲滿丹北日月長瓊筵啟傍九芝眉

采一瓣心香 餘慶雙鳳高翔知保障功留
在梓桑操奇贏蠻舶函珠懷玉勞來鴻澤義
聚仁漿橫舍弦歌高楣綽楔通德門多吉事
祥軒眉笑先東坡一日腰笛稱觴

清平樂題高穎生環翠樓圖

傍家亭沼倚杖容舒嘯天與圍屏新畫橐換
了幾番殘照 廿年舊夢青墩荷花也是君
恩一覺江空歲晚山中自有閒雲

○定風波壽錢新甫七十

記罷金鑿筆一枝坐看蓬島綠塵飛天上春

愁消白髮親擷白荷花浸紫霞
一院雙成詩伴侶天許酩然重到
太平時裏了東坡三制手搔首卻
填風雨放魚詞

壽樓春壽詞

稱眉筵金甌是劉樊美眷蓬閭仙
儔得似木公金母紫芝丹北知福
慧曾雙修鼓瑟琴同心賡酬又桂
子傳芳桐枝茁秀花甲慶初周蟠
桃熟瑤池頭趁堂開畫錦箋寫銀
鉤爲祝靈椿齊壽八千春秋招海
鶴來銜籌恰近來移家瀛洲待花
燭重輝雙扶杖鳩歌好述

疏影題陳叔通百梅書屋圖

南枝舊約愜素心得似何
遜東閣綵筆禪仙玉貌臞
仙天涯已忍淪落劫灰一度
春消息省縞袂丰姿如昨
儘海桑著意遷流不改綠
華紅萼遙憶前芳晚晚故園
仨翠羽初別黃鶴泛雪重湖
鋤月空山底事煙霞孤卻溪
藤百幅憑珍重問冷豔幽香
誰託待料量物外琴書占取
幼輿北壑

百字令題松月居士集印

藥書琅簡沂高矩卓越羸劉
面上四集飛鴻

何足數藝苑獨標真賞鼎足螭盤釵頭鳳立
妙蹟冰斯仿一珠一字效珍都入珊瑚網當
日詒晉高齋鐵書精鑒別空諸筌象好古河
間惟求是何似風流宏獎照眼芝泥驚心桑
海文物翻無恙松聲月色爲君特地疏朗

摸魚子題許玉年先生孤山補梅圖

問西湖湖山信美此中誰是和靖梅花眷屬
千年夢處士家風樓冷空念省薦一匊寒泉
從剔荒碑認煙鋤雨艇更帶月移根依巖卜
築料理到香影丹青事一例滄桑無定吟

魂花下驚醒翻新祠宇成唐突何處巢居堪
證高閣凭便譜出玉龍哀曲無人聽橫峰側
嶺牘紅萼無言綃衣飛下清暎遠相應

減字木蘭花

婆婆二老負手招邀成一笑香訊冥濛春在
詩人杖履中令威重到風物依稀花事了
鼓角春城不是高樓玉笛聲

○采桑子和琴緣本事詞

辭巢婉變低飛燕總道無情泪盈盈苦諱
雕梁住不成迴廊縹緲經行地煙月逢迎

夢裏商聲一夜秋苔步步生

情知飄泊殘春有自惜年光不換鑪香坐定
愁心小字旁 閒情那及樓東水凝瞰明妝
瑣戶文窗贏得多生夢一場

浮生天與羈孤分不許纏絲薄醞枯絃儘是
秋人自在緣 影娥池上當時月雙照嬋娟
一別如煙過眼風花十九年

而今省識劉郎恨泊鳳飄鸞不在蓬山只在
低簾小扇間 攬衣中夜徘徊慣月好誰看
哀樂無端未止高北舊夢寒

○黑漆弩題漢建安銅弩機拓本

雙牙苔洗銅華古是當塗省括尙方鑄恨炎
精蕩作寒灰挂壁大昭安取細書十九勒
工名點綴宣和圖譜問誰能手殪天狼重鼓
吹曲中朱鷺

南鄉子

吾道有真如掉臂能同霹靂居競把浮漚當
溟渤粗疏中有全潮認得無露電一身餘
殤子彭鏗了不殊隨受罡風誰轉得須臾大
笑攜鐙照暗衢

成句

○采桑子

今宵莫惜無明月，回避姮娥。酒滿香螺。好夜看人夢裏過。
歸來獨臥西窗雨，閒淚無多。不爲聞歌。早自安排喚奈何。

永遇樂 題章价人銅官感舊圖

斜日河山驚風草木，故壘何處。鐵戟沙腥，戈船燐閃，腸斷征南路。靈旗甲馬，居人指點，猶識當年荒戍。
記壓城頽雲似墨，亂鴉解道，悽苦參軍老矣。扁舟重櫂，書劒蕭寥，誰與湘水無情。巫陽有恨，祇覓歸鴻，語擎天身手封。

侯骨相都付怒濤東去問一隄寒鴉敗柳替
人怨否

○戀繡衾

紅鱗吹動酒面香倚金船孤送夜長尋夢到
蓬山底問闌心羅袖露涼鴈程不帶相思
去聽空樓秋鏡倦妝料錦字稀能會負年年
江水寄將

壽樓春送潘幼奮出守西川

金沙酴醾薰有風花墮幘雪絮飄茵催賦將
離詞句颺波微塵圓月暈如金盆照別筵
閣

恩黃昏料棧路蕉紅
巴北樹綠輸與鳳城春
籌邊路荒煙屯況橫流
恨滿清酒盟新說
甚瀛洲風月草堂琴尊
明日是陽關人一萬
重清猿寒雲便夢繞
觚棱天涯斷魂襟上痕

齊天樂集草窗句

翠微縹緲樓臺亞
霜華錦空洲渚山護雲衣
波涵月彩夢到隔花窗戶
芳期暗數怕水葉
沈紅去年心緒
舊隱誰招東堂松桂盡吟趣
一襟清致誰識軟塵飛不到
冉冉詩句怨
笛吟商閒簫橫玉
惟有盟鷗堪語西風倦旅

悵望極歸舟一閒天付立盡斜陽花深連別墅

減字木蘭花

□□□□橫路閒雲知客意側帽尋詩薺麥櫻桃又一時劫餘城郭來作遼東千歲鶴舊日趨庭山向吾曹一樣青

水調歌頭題馮君木逃空圖

逼塞人間世何處足音尋迢遙雲將東指一笑謝鴻濛多少壽陵學步卻曲楚狂迷路不出雉樊中顛倒百年事坐誤主人翁拍洪

厓招若士楊猿公不如打掃心地坐斷四山
空一任虛舟流止芟盡諸方藤葛末後句參
通送者自厓返誰躡白雲蹤

○前調題王蓬心三吾圖卷卷有東洲題

句

白髮永州守開口說瀟湘一官十年不調北
壑滿詩腸百折浯溪清駛百尺浯臺突起亭
子與軒昂發興簿書底協趣水雲鄉 莞然
笑師北苑仿香光就中家法不失煙麓故相
望窈窕次山銘句兀傲柳州游記畫筆足攀

翔心折到峻叟一幅倒千觴

○減字木蘭花題倪鴻寶詩畫卷

平生風義把臂吳橋雙國士天路飛攀收拾
光芒入小言 雯華月漬一段蒼煙飛不起
拈筆如神餘興能爲石寫真

前調

煙蘿猗靡意外荒寒生筆底眯目黃塵誰是
青山獨往人 無多茅屋風味舉家清似鵲
鞍馬平生老作江南粥飯僧

采桑子題看雲覓句圖

閒雲未必關才思題遍蠻箋縹緲游仙輸爾
清吟一輩賢老來搜句渾無力坐惜徂年
逝雁行邊魂斷西堂白日眠

減字木蘭花題梁莊會葬圖

冬青泪灑九死攀髯終未悔日降天臨不負
青山獨往心使君風義易水波寒吹不起
高閣葵霜終古相望一柳堂

暗香疏影湖帆靜淑夫婦屬題宋本梅

花喜神譜用覺翁自製夾鍾

宮調

碎珠一一借粉函斂取家林冰雪箋管留珍
不待良金鑄花骨劫後人天歲晚莫儘愁靈
芬銷歇算幾生風味依然流藻入詞筆何
況都房旖旎瓣香致叩叩薰徧芸葉展取鐙
宵與媵芳尊恰稱宜春匳帖羅浮新月關同
夢願雙化書叢仙蜨倘數將滂喜家珍定有
外孫能說

熙州慢 湖帆屬題七姬權厝志

誅秋鵲臘片石花銘瘞恨終古舊劫華鬢渺
後宮煙草東風無主怕作換巢鸞鳳夜半同

躡飛鳬休問豔影長橋玩月那時情素誰
寫眉庵樂府仗牙拍譜出紅兒新句楊基七
詩蓋爲
七姬作杯酒話舊齊雲白楊天暮荒原徧尋
故阡問拾翠人歸知否研光撫春愁盡付塵
土

清平樂爲湖帆題所南翁畫蘭用玉田

韻

劫餘花葉楚畹容光別露泣煙啼那可說不
受等閒風月芳魂零落荒山根荻終古相
關好伴一編心史長留沈恨人閒

燭影搖紅題拔可令姝李穉青花影吹

笙室填詞圖卽用其原作集

成一解

幾日詩魂

長亭怨慢

不知燕子歸何處

蝶戀花

止多

落絮與飛花

一落索

換了門前路

壺中天

曾採幽

芳題句

疏影

況湖山

梅月上

頓傷心素

齊天樂

娉婷

一笛

長亭怨慢

解訴清愁

慶春宮

沈吟漸苦

齊天樂

減字木蘭花題董澍陽尚書董伯念光

祿祖孫書扇冊

丹梯拾級接武蓬池貽厥力抗疏批鱗成就

清門兩逐臣 朝衫脫了贏得祖庭開口笑
深閉柴關將取清風滿故山

浣溪沙 夢坡德配張夫人六十壽作放生會於西溪爲賦此闕

鼃采澄鮮片玉詞 春波溶漾放生池 延年美
意嗣萱闈 佳識舊溪龜 左顧長生新曲鶴
南飛鴛鴦還福本相宜

減字木蘭花 題明遺老順德薛劔公畫
叢蘭竹石冊

人間何世老去丹青餘涕淚肝肺槎牙不寫

諸天稱意花 孤芳直節長恨補天身手拙
坐撫吳鉤高館何時訪蒨綬

彊邨集外詞

彊邨集外詞一卷據先生手稿寫定稿原二冊於先生遺篋中檢得之大抵皆二十年來往還吳門滬濱間所作亦有成於國變前者料其初當爲零縑斷楮掇拾彙存故不盡依歲月編次各詞每自加標識隱寓去取之意今悉仍之其卷首買陂塘一闕則江陰夏閏枝丈自舊京錄示者也先生晚歲酬應題詠之筆間或假手他人卽此冊中亦復時有代作先生往矣輒本過而存之之意并付手民學者分別觀之可也校錄旣竟附識數語於

此王申重九龍沐勛謹跋於眞茹寓居之受
硯廬